



Broj: 0101-3549-9-LOT 2./18
Sarajevo, 06. 07. 2018. godine

Na osnovu člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, nakon provedenog otvorenog postupka za javnu nabavku robe: LOT 2. Mape za diplome, nakon uspješno završene e-aukcije, na preporuku Komisije za javnu nabavku broj: 0101-3549-8-LOT 2./18 od 05. 07. 2018. godine, rektor Univerziteta u Sarajevu je d o n i o

ODLUKU
o izboru najpovoljnijeg ponuđača i dodjeli ugovora

Član 1.

Prihvata se preporuka Komisije za javnu nabavku broj: 0101-3549-8-LOT 2./18 od 05. 07. 2018. godine i ugovor o javnoj nabavci robe: LOT 2. Mape za diplome, dodjeljuje ponuđaču GRAFIČAR d. o. o. Bihać Plješevička br. 2D, 77204 Bihać, čija ukupna cijena ponude iznosi: 28.000,00 KM bez PDV-a (slovima: dvadesetosamhiljada KM i 00/100), iz razloga što je u otvorenom postupku, nakon uspješno završene e-aukcije u skladu sa kriterijumom najniža cijena tehnički zadovoljavajuće ponude na koju se primjenjuje preferencijalni tretman domaćeg, ocijenjena kao najpovoljnija u skladu sa članom 64. stav (1) tačka b) Zakona o javnim nabavkama BiH.

Član 2.

Izabrani ponuđač je dužan na adresu Univerziteta u Sarajevu, Obala Kulina bana 7/II, 71 000 Sarajevo, u roku od 3 (tri) dana od dana zaprimanja ove Odluke, dostaviti originale ili ovjerene kopije dokaza traženih tačkom 13.1. i 13.3. Tenderske dokumentacije, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

Član 3.

Ova Odluka će biti objavljena na web stranici Univerziteta u Sarajevu www.unsa.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

O b r a z l o ž e n j e

Na osnovu Odluke o pokretanju postupka javne nabavke broj: 0101-3549-3/18 od 11. 06. 2018. godine, Univerzitet u Sarajevu je pokrenuo otvoreni postupak za javnu nabavku robe: Papir i štampanje obrazaca originala i kopija diploma i Mape za diplome.

Postupak je podijeljen u 2 (dva) LOT-a:

LOT 1. Papir i štampanje obrazaca originala i kopija diploma

LOT 2. Mape za diplome.

Za provođenje postupka predmetne javne nabavke, Odlukom broj: 0101-3549-4/18 od 11. 06. 2018. godine, imenovana je Komisija za provođenje predmetnog postupka javne nabavke.

Obavještenje o nabavci broj: 999-1-1-76-3-34/18 objavljeno je na Portalu javnih nabavki dana 13. 06. 2018. godine.

Istog dana, na Portalu javnih nabavki objavljena je i Tenderska dokumentacija broj: 0101-3549-5/18.

Iz Izvještaja o preuzimanju tenderske dokumentacije od strane ponuđača, kreiranog sa Portala javnih nabavki dana 29. 06. 2018. godine u 10:03 sati, vidljivo je da su, u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli slijedeći potencijalni ponuđači: Optigraf d.o.o. Olovska 60, Sarajevo; ekipija d.o.o. Bijeljina, Bulevar Mihajla Pupina 10a, Novi Beograd, Srbija; A Dizajn d.o.o. Put Famosa 38, Ilidža; GRAFIKA ŠARAN d.o.o. Srđana Aleksića 28, Sarajevo; Edukaconi Centar Barbados, Musala 7, Sarajevo; BBS Europe, Spasovdanska 31Đ/20, Istočno Sarajevo; GRAFIČAR d. o. o. Plješevička br. 2D, Bihać; R&S d.o.o. Igmanska bb, Vogošća; CETIS d.d. Čopova ulica 24, Celje; "Svjetlost-BH print" d.o.o. Sarajevo Ismeta A.Šerbe 3, Ilidža; KOPIKOMERC d.o.o. Vuka Karadžića 30, Istočno Sarajevo; Štamparija Fojnica d.d. Fojnica Prokoški put bb, Fojnica; Agencija Aligo Lužansko polje 7, Ilidža; LALA I LAČO d.o.o. 1. Maja br. 14, Bijeljina; PLAN PLUS d.o.o. Dr. Hasana Muminagića 2-a, Zenica; SAVICO d.o.o. 6 mart bb, Hadžići; STORIA d.o.o. Igmanska bb, Vogošća i KEMIGRAFIKA-TRADE d.o.o. Radnička 19c, Sarajevo.

Iz Izvještaja o pitanjima i odgovorima u vezi sa tenderskom dokumentacijom, kreiranog sa Portala javnih nabavki dana 29. 06. 2018. godine u 10:02 sati, vidljivo je da u periodu koji je ostavljen za dostavljanje ponuda, od strane potencijalnih ponuđača, nije bilo postavljenih pitanja i zahtjeva za pojašnjenje tenderske dokumentacije.

Na tendersku dokumentaciju nije bilo žalbe od strane potencijalnih ponuđača.

Uvidom u Zapisnik o preuzimanju uzoraka, utvrđeno je da su u prostorijama Univerzitetskog tele-informatičkog centra, Zmaja od Bosne 8 (objekat br. 33) u Kampusu Univerziteta u Sarajevu, uzorke za LOT 2. Mape za diplome, preuzeli predstavnici slijedećih zainteresovanih ponuđača:

1. GRAFIČAR d.o.o. Bihać – 20. 06. 2018. godine;
2. Štamparija Fojnica d.d. Fojnica - 20. 06. 2018. godine;
3. PLAN PLUS d.o.o. Zenica – 20. 06. 2018. godine.

Iz Zapisnika o otvaranju ponuda je vidljivo da je dana 29. 06. 2018. godine u 10,15 sati Komisija za javnu nabavku, po redoslijedu prijema, izvršila javno otvaranje blagovremeno prispjelih ponuda slijedećih ponuđača:

R. br.	Naziv i sjedište ponuđača <u>LOT 2. Mape za diplome</u>	Broj prijemnog protokola	Datum i vrijeme prijema ponude
1.	Štamparija Fojnica d. d. Prokoški put bb, 71270 Fojnica	0101-4151/18	28.06.2018. godine u 11,15 sati
2.	GRAFIČAR d. o. o. Bihać Plješevička br. 2D, 77204 Bihać	0101-4174/18	29.06.2018. godine u 8,55 sati

Na javnom otvaranju ponuda nisu bili prisutni predstavnici ponuđača. Od strane članova Komisije i ostalih prisutnih na javnom otvaranju ponuda, nije bilo primjedbi na postupak otvaranja i ostale priopćene informacije. Zapisnik sa javnog otvaranja ponuda je u zakonskom roku upućen putem pošte ponuđačima koji su blagovremeno dostavili ponude. Iz Zapisnika Komisije za javnu nabavku je vidljivo da nije bilo neblagovremenih ponuda.

Iz Zapisnika Komisije je vidljivo da Komisija za javnu nabavku nije imala nejasnoća u ponudi ponuđača.

Komisija za javnu nabavku je u Zapisniku o otvaranju ponuda sačinila sažetak ponuda primljenih u roku po redoslijedu prijema (kriterij za dodjelu ugovora je najniža cijena):

Redni broj	Naziv i sjedište ponuđača LOT 2. Mape za diplome	Ponuđeni popust	Ukupna cijena ponude
1.	Štamparija Fojnica d. d. Prokoški put bb, 71270 Fojnica	0,00 KM	25.910,00 KM bez PDV-a 4.404,70 KM=PDV 30.314,70 KM sa PDV-om
2.	GRAFIČAR d. o. o. Bihać Plješevička br. 2D, 77204 Bihać	0,00 KM	28.000,00 KM bez PDV-a 4.760,00 KM=PDV 32.760,00 KM sa PDV-om

Iz Zapisnika Komisije za javnu nabavku je vidljivo da je Komisija započela sa pregledom ponuda dana 29. 06. 2018. godine, radi ocjene ponuda, odnosno da bi utvrdila da li su ponuđači ispunili uslove iz člana 45. do 49. Zakona o javnim nabavkama koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije, te da li su kvalifikovani za nabavku predmetne robe.

Nakon pregleda ponuda, Komisija za javnu nabavku je utvrdila da oba ponuđača ispunjavaju sve uslove za kvalifikaciju tražene Tenderskom dokumentacijom (detaljno konstatovano u Tački 11. Zapisnika o pregledu i ocjeni ponuda), pa je Komisija ponude ponuđača:

1. Štamparija Fojnica d. d. Prokoški put bb, 71270 Fojnica i
 2. GRAFIČAR d. o. o. Bihać, Plješevička br. 2D, 77204 Bihać,
- ocijenila kao PRIHVATLJIVE.

U cilju ocjene ispunjavanja uslova za primjenu preferencijanog tretmana domaćeg, nakon pregleda ponuda Komisija za javne nabavke je utvrdila slijedeće:

1. Ponuđač GRAFIČAR d. o. o. Bihać, Plješevička br. 2D, 77204 Bihać je dostavio Potvrdu Vanjskotrgovinske komore BiH broj: 05-05-3-27-3082/18 od 22. 06. 2018. godine, kojom se potvrđuje da **Robe**: LOT 1. Papir i štampanje obrazaca originala i kopija diploma i LOT 2. Mape za diplome, zadovoljavaju uvjete za izdavanje certifikata o bh porijeklu, da navedene proizvode proizvodi društvo GRAFIČAR d. o. o. Bihać.
2. Ponuđač Štamparija Fojnica d. d. Prokoški put bb, 71270 Fojnica je dostavio Potvrdu Vanjskotrgovinske komore BiH, broj: 05-05-3-27-3023/18 od 25. 06. 2018. godine, kojom se potvrđuje da **Usluge štampanja**: Papir i štampanje obrazaca originala i kopija diploma i Mape za diplome, zadovoljavaju uvjete za izdavanje certifikata o bh porijeklu, da navedene usluge obavlja društvo Štamparija Fojnica d. d. 71270 Fojnica.

Komisija za javne nabavke je izvršila uvid u član 1. stav (1) tačka c) Odluke Vijeća ministara Bosne i Hercegovine o obaveznoj primjeni preferencijalnog tretmana domaćeg („Službeni glasnik BiH“, broj 83/16), kojim je regulisano da su domaće ponude ponude koje podnose pravna ili fizička lica sa sjedištem u Bosni i Hercegovini i koja su registrirana u skladu sa zakonima u Bosni i Hercegovini i kod kojih, u slučaju ugovora o nabavci roba, najmanje 50% ukupne vrijednosti od ponuđenih roba imaju porijeklo iz Bosne i Hercegovine, a u slučaju ugovora o uslugama i radovima, najmanje 50% radne snage za izvršenje ugovora su rezidenti iz Bosne i Hercegovine.

S obzirom da je predmet javne nabavke roba (Papir i štampanje obrazaca originala i kopija diploma i Mape za diplome), Ugovorni organ je u Tački 25. Tenderske dokumentacije zahtijevao od ponuđača, da kao dokaz o ispunjavanju uslova za primjenu preferencijalnog tretmana domaćeg dostave: Potvrdu Vanjskotrgovinske komore ili druge nadležne privredne komore da najmanje 50% ukupne vrijednosti ponuđenih roba imaju porijeklo iz Bosne i Hercegovine.

Nakon pregleda dostavljenih potvrda od strane ponuđača GRAFIČAR d. o. o. Bihać, Plješevička br. 2D, 77204 Bihać i Štamparija Fojnica d. d. Prokoški put bb, 71270 Fojnica, Komisija za javne nabavke je ocijenila:

1. Ponuđač GRAFIČAR d. o. o. Bihać, Plješevička br. 2D, 77204 Bihać je dostavio Potvrdu kako je traženo Tačkom 25. Tenderske dokumentacije, tako da se na ponudu ponuđača primjenjuje preferencijalni tretman domaćeg;
2. Ponuđač Štamparija Fojnica d. d. Prokoški put bb, 71270 Fojnica nije dostavio Potvrdu kako je traženo Tačkom 25. Tenderske dokumentacije, da ponuda ponuđača neće biti odbijena, ali da se na ponudu ponuđača ne primjenjuje preferencijalni tretman domaćeg.

Iz Zapisnika o pregledu i ocjeni ponuda je vidljivo da je Komisija za javnu nabavku, nakon provjere računске ispravnosti ponuda, utvrdila da su ponude ponuđača:

1. Štamparija Fojnica d. d. Prokoški put bb, 71270 Fojnica i
2. GRAFIČAR d. o. o. Bihać, Plješevička br. 2D, 77204 Bihać, RAČUNSKI ISPRAVNE.

Iz Zapisnika Komisije za nabavke je vidljivo da je za predmetnu nabavku, kao što je navedeno u Tenderskoj dokumentaciji i Obavještenju o nabavci broj: 999-1-1-76-3-34/18, predviđeno provođenje e-aukcije kroz sistem e-nabavke, te da je Komisija u skladu sa podzakonskim aktima, dana 02. 07. 2018. godine, kroz sistem e-nabavke zakazala održavanja e-aukcije za kvalificirane ponuđače za dan 05. 07. 2018. godine u 09:30:00 sati.

Iz Izvještaja o toku i završetku e-aukcije, je vidljiva početna rang lista ponuđača koji su pozvani da učestvuju u e-aukciji:

R.br.	Naziv ponuđača	IDB/JIB	Početna cijena u KM bez PDV-a	Rang
1.	GRAFIČAR d. o. o. Bihać Plješevička br. 2D, 77204 Bihać	4263008270002	28.000,00* (25.200,00)	1
2.	Štamparija Fojnica d. d. Prokoški put bb, 71270 Fojnica	4236045660000	25.910,00	2

* Označava cijenu na koju se primjenjuje preferencijalni tretman

Iz Izvještaja o toku i završetku e-aukcije je vidljivo da je e-aukcija kvalificiranih ponuđača počela dana 05. 07. 2018. godine u 09:30:00 sati, te je uspješno završena dana 05. 07. 2018. godine u 09:40:00 sati.

Iz Izvještaja o toku i završetku e-aukcije je vidljivo da, od strane pozvanih ponuđača u toku e-aukcije nije bilo podnošenja ponuda sa novim cijenama.

Izvještaj o toku i završetku e-aukcije se nalazi se u prilogu Zapisnika o pregledu i ocjeni ponuda.

Iz Izvještaja o toku i završetku e-aukcije je vidljiva konačna rang lista ponuđača koji su učestvovali u e-aukciji (nakon završetka e-aukcije):

R.br.	Naziv ponuđača	IDB/JIB	Konačna cijena u KM bez PDV-a	Rang
1.	GRAFIČAR d. o. o. Bihać Plješevička br. 2D, 77204 Bihać	4263008270002	28.000,00* (25.200,00)	1
2.	Štamparija Fojnica d. d. Prokoški put bb, 71270 Fojnica	4236045660000	25.910,00	2

* Označava cijenu na koju se primjenjuje preferencijalni tretman

U Izvještaju Agencije za javne nabavke BiH o toku i završetku e-aukcije je navedena pobjednička ponuda:

Naziv ponuđača	Cijena ponude
GRAFIČAR d. o. o. Bihać, Plješevička br. 2D, 77204 Bihać	28.000,00 KM bez PDV-a*

* Preferencijal

Na osnovu navedenog, Komisija za javnu nabavku je dala preporuku rektoru Univerziteta u Sarajevu da za nabavku robe: LOT 2. Mape za diplome, donese odluku o izboru najpovoljnijeg ponuđača i dodjeli ugovor ponuđaču GRAFIČAR d. o. o. Bihać Plješevička br. 2D, 77204 Bihać, čija ponuda je, nakon uspješno završene e-aukcije, u skladu sa kriterijom najniža cijena tehnički zadovoljavajuće ponude na koju se primjenjuje preferencijalni tretman domaćeg, ocijenjena kao najpovoljnija sa ukupnom cijenom ponude od 28.000,00 KM bez PDV-a (slovima: dvadesetosamhiljada KM i 00/100).

Iz gore navedenih razloga, primjenom člana 64. stav (1) tačka b) Zakona o javnim nabavkama BiH, prihvaćena je preporuka Komisije za javnu nabavku i odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

za Rektor

Prof. dr. Rifat Škrijelj



Dostaviti:

1. Štamparija Fojnica d. d. Prokoški put bb, 71270 Fojnica
2. GRAFIČAR d. o. o. Bihać Plješevička br. 2D, 77204 Bihać
3. Prorektor za finansije
4. Generalni sekretar
5. Služba za računovodstvo i finansije
6. Služba za javne nabavke
7. web stranica UNSA
8. a/a

Prilog:

- Zapisnik o pregledu i ocjeni ponuda
- Izvještaj o toku i završetku e-aukcije